

16 FEB, 2024



Benteng Medan Niaga Satok yang dinaik taraf mampu menjadi tarikan pelancong

Utusan Borneo Sarawak, Malaysia

Page 1 of 2

Benteng Medan Niaga Satok yang dinaik taraf mampu menjadi tarikan pelancong

KUCHING: Benteng Medan Niaga Satok yang dinaik taraf mampu menjadi tarikan pelancong ke tempat berkenaan, kata Pengarah Lembaga Pemasaran Perrtanian Persekutuan (FAMA) Sarawak Ramli Mat Sani.

Beliau berkata, kertas cadangan dan projek membina benteng itu dikendalikan FAMA dan ia mengikut reka bentuk yang telah dipersetujui Premier Sarawak Datuk Patinggi Tan Sri Abang Johari Tun Openg.

Beliau memaklumkan proses tender telah dilakukan dan telah dianugerahkan kepada kontraktor yang mendapat tender projek terbabit.

“Tender (projek membina benteng Medan Niaga Satok) yang dibuka telah ditutup dan tender telah diserahkan kepada kontraktor. Projek ini dijangka mengambil masa 72 minggu, iaitu dalam lingkungan setahun lebih.

“Sebenarnya dana untuk melaksanakan projek ini adalah daripada kerajaan negeri, Premier Sarawak telah meluluskan kira-kira RM7 juta namun (dana) ini juga merangkumi pembinaan tempat letak kereta bertingkat di belakang pejabat (FAMA negeri), selain benteng.

“Kita berharap, penyiapan benteng ini nanti membantu

menarik lebih ramai datang berkunjung terutama dari Kuching sendiri, tempat lain seluruh Sarawak serta dari negeri lain di Semenanjung,” katanya.

Beliau berkata demikian ketika ditanya mengenai perkembangan terbaru projek menaik taraf benteng Medan Niaga Satok pada sidang media mengenai program FAMA Fest 2024@ Sarawak di Pejabat FAMA Negeri di sini, semalam.

Selain itu, mengenai Bazar Ramadan Medan Niaga Satok 2024 yang dikendalikan FAMA, beliau berkata terdapat 72 lot disediakan kepada peniaga yang mahu berniaga sepanjang bulan Ramadan nanti.

“Bazar Ramadan FAMA istimewa dari yang lain, di mana kami menekankan keseragaman seperti alas meja dan apron selain menjaga kebersihan.

“Bazar ini nantu turut menyediakan kaunter kesihatan bagi memastikan makanan dijual selamat dimakan dan baik untuk kesihatan,” katanya.

Hadir sama pada sidang mediar tersebut ialah Timbalan Pengarah FAMA Sarawak (Pembangunan) Adeyong Tomick dan Timbalan Pengarah FAMA Sarawak (Operasi) Greyston Peli.



16 FEB, 2024

Benteng Medan Niaga Satok yang dinaik taraf mampu menjadi tarikan pelancong

Utusan Borneo Sarawak, Malaysia

Page 2 of 2

SUMMARIES

KUCHING: Benteng Medan Niaga Satok yang dinaik taraf mampu menjadi tarikan pelancong ke tempat berkenaan, kata Pengarah Lembaga Pemasaran Perrtanian Persekutuan (FAMA) Sarawak Ramli Mat Sani. Beliau berkata, kertas cadangandan proj ekmembina benteng itu dikendalikan FAMA dan ia mengikut reka bentuk yang telah dipersetujui Premier Sarawak Datuk Pa tinggi Tan Sri Abang Johari Tim Openg. Beliau memaklumkan proses tender telah dilakukan dan telah dianugerahkan kepada kontraktor yang mendapat tender projek terbabit.